

SAOPŠTENJE ZA MEDIJE

Otvorena preuređena dm prodavnica u Gračanici

Na novoj lokaciji brojne pogodnosti za kupce

Gračanica, 6. 2. 2025. – Nakon pauze vrata dm prodavnice u Gračanici, na adresi Branilaca grada bb, ponovo su otvorena. U osvježenom i preuređenom prostoru kupci mogu pronaći sve proizvode iz širokog dm asortimana za ljepotu, njegu, zdravlje, mame i bebe, domaćinstvo i još mnogo toga.

Na dan otvorenja svi kupci su na poklon dobili ceker, a za kupovinu u iznosu od 30 KM ili više mali znak pažnje. Za potrošenih 80 KM i više kupci su na poklon dobili dm peškir. Osim navedenih pogodnosti dm je pripremio i popust od 15% na ukupnu kupovinu koji vrijedi za sve kupovine do 8.1.2025. godine.

Vrijedna donacija Školi košarke za djevojčice G-Stars

Povodom početka rada nove prodavnice kompanija dm uručila je donaciju u iznosu od 5.000 KM Školi košarke za djevojčice G-Stars koja u Gračanici postoji od 2014. godine. U proteklih deset godina ovu školu je pohađalo više stotina djevojčica.

„Ženski košarkaški klub G-Stars osnovan je s ciljem promocije sporta među djevojčicama i mladim sportistkinjama. Počeli smo kao škola košarke, što i danas ostaje temelj našeg rada, odgajamo mlade talente, pružamo im priliku da se razvijaju i uživaju u sportu. Ponosni smo što smo tokom godina izrasli i u ozbiljan košarkaški kolektiv koji je učestvovao na raznim sportskim manifestacijama širom BiH, a koji se danas takmiči i u A1 ligi Federacije BiH. Naš cilj je i dalje isti razvoj igračica, timskog duha i ljubavi prema košarci, uz postizanje što boljih rezultata na terenu. U tome će nam pomoći i donacija kompanije dm zahvaljujući kojoj ćemo platiti termine za održavanje trenažnog procesa, troškove prevoza na utakmice Ženske Omladinske lige i slično. Hvala vam”, poručila je Alma Softić, trenerica ŽKK G-Stars.

Donaciju je uručio Adnan Jašarević, područni menadžer dm-a koji je tom prilikom kazao: **„Ponosni smo što ovom prilikom možemo podržati rad ŽKK G-Stars, koji predano radi na razvoju mladih sportistkinja i promociji košarke u zajednici te omogućava mladim talentima da ostvare svoje sportske snove. Tu smo uvijek i za naše kupce čije potrebe osluškujemo i nastojimo im pružiti što ugodniji osjećaj kupovine, bogatu ponudu proizvoda i usluga. Tu su još i dm active beauty program lojalnosti te Moj dm aplikacija s kojima kupovina u dm-u donosi i dodatne uštede.“**

Nagradna igra

Posebna radost za sve kupce je i nagradna igra, koja traje do 20.2.2025. godine, a u okviru koje će moći osvojiti tri vrijedne nagrade. Prva je Philips Lumea, druga Tefal vertikalna pegla, dok kao treću nagradu možete osvojiti 10 dm poklon kartica u vrijednosti od po 50 KM.



Radno vrijeme dm prodavnice u Gračanici je od ponedjeljka do subote od 9:00 do 21:00 sat, dok je nedjeljom i prazničnim danima zatvorena.

Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 18 godina dm se sa više od 1.200 zaposlenika i 93 prodavnice u 47 gradova te distribucijskim centrom u Sarajevu pozicionirao kao vodeća kompanija u kategoriji drogerija. U poslovnoj godini 2023/24. dm je u Bosni i Hercegovini ostvario promet od 421,2 miliona KM. Asortiman dm-a obuhvata gotovo 14.000 proizvoda etabliranih svjetskih i domaćih proizvođača, među kojima je 31 dm robna marka kao što su Balea, alverde, Mivolis, trend !t up, DenkmIt, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

dm u BiH imidž Najpoželjnijeg poslodavca, priznanja koje mu je dodijeljeno deset puta, od toga osam puta zaredom, gradi kontinuiranom brigom o zaposlenicima te im, uz brojne pogodnosti kao što su redovni sistematski i stomatološki pregledi, školovanja i edukacije, svake godine isplaćuje regres i 13. platu.

Saopštenja za javnost na raspolaganju su Vam na <https://www.dm-drogeriemarkt.ba/pr-imediji/saopstenja-za-medije>, a arhiva fotografija na <https://www.dm-drogeriemarkt.ba/pr-imediji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba